

Na osnovu člana 71. i člana 125. Statuta Općine Vogošća ("Službene novine Kantona Sarajevo", broj: 27/14 - Prečišćeni tekst i broj: 14/15), općinski Načelnik donosi:

## **P R A V I L N I K O RASPODJELI NOVČANIH SREDSTAVA ZA SUFINANSIRANJE LIJEČENJA OSOBA OBOLJELIH OD RIJETKIH BOLESTI**

### **Član 1.**

Ovim Pravilnikom utvrđuju se kriteriji i način dodjele novčane pomoći osobama oboljelim od rijetkih bolesti, čije je prebivalište/boravište na području općine Vogošća.

### **Član 2.**

Cilj dodjele novčane pomoći u smislu ovog Pravilnika predstavlja pomoć pri troškovima liječenja oboljelih od rijetkih bolesti.

### **Član 3.**

Finansijska sredstva utvrđena na ekonomskom kodu 614239 - grant sredstva za sufinansiranje liječenja rijetkih bolesti, raspoređuje općinski Načelnik zaključkom na prijedlog Službe za boračko-invalidsku i socijalnu zaštitu Općine Vogošća (u daljem tekstu Služba) u skladu sa utvrđenim kriterijima, a na osnovu podnesenih zahtjeva putem protokola Općine Vogošća.

### **Član 4.**

Osobe oboljele od rijetkih bolesti mogu ostvariti pravo na sufinansiranje troškova liječenja u smislu ovog Pravilnika pod sljedećim uslovima:

- a) Dokaz da su oboljeli od rijetke bolesti;
- b) Dokaz o potrebi liječenja osobe u BiH ili van teritorija BiH, koji zahtjeva veća finansijska sredstva.

### **Član 5.**

- 1) Zahtjev za dodjelu novčane pomoći po ovom Pravilniku podnosi se Službi za boračko-invalidsku i socijalnu zaštitu putem Centra za pružanje usluga građanima Općine Vogošća na propisanom obrascu.
- 2) Podnesene zahtjeve po potrebi razmatra Komisija za rješavanje zahtjeva za priznavanje prava na jednokratne novčane pomoći (u daljem tekstu: Komisija), a koju imenuje Općinski načelnik.
- 3) Komisija se sastoji od predsjednika i dva člana, od kojih je Predsjednik komisije socijalni radnik nadležne Službe, a članovi pravnik nadležne Službe i socijalni radnik OJ Dom zdravlja Vogošća.

### **Član 6.**

Podnosiocu zahtjeva može se odobriti novčana pomoć za sufinansiranje troškova liječenja osobama oboljelim od rijetkih bolesti samo jednom u toku jedne budžetske godine.

### **Član 7.**

Jednokratna novčana pomoć će se dodjeljivati u visini do 1000,00 (hiljada) KM u skladu sa Budžetom, odnosno objezbjeđenim finansijskim sredstvima za tekuću godinu.

### **Član 8.**

Podneseni zahtjev važi samo za budžetsku godinu u kojoj je zahtjev podnijet.

### **Član 9.**

Ovaj pravilnik stupa na snagu narednog dana od dana objavljivanja na oglasnoj ploči Općine Vogošća, a primjenjivati će se od 01.01.2018.godine.

Broj: 09/1-35-341/18

Datum: 09.02.2018. godine

